



Lëtzebuerger  
Guiden a Scouter

# KOMPASS



## Kongress a Chefdag 2018 Aktivitéitsrapport 2017/18



**Virwuert**  
Virwuert vum Team (L)  
Editorial (F)



**Info**  
Praktesch Infoen zum Transport,  
Umeldung, Programm



**Finanzen**  
Bilan-Konten  
LGS-Budget



**Aktivitéitsrapport**  
Branchenekippen,  
Formatioun, Programm



E e g r o u s s e   M e r c i   u n   e i s   S p o n s o r e n



En aarbeschtsräicht an erfällt Scoutsjoer 2017/2018 ass op en Enn gaangen. Déi lescht Campe sinn eriwwer oder si bal eriwwer an de Kongress a Chefdag 2018 sti virun der Dir. Fir eis als Team ass och de Moment komm fir ee klenge Bilan ze zéie vun eisem éischte Joer an dëser Funktioun. Wat hate mir eis virgeholl? Wou hu mir mat eisem Comité dru geschafft? Wou sti mir elo, a wéi geet et weider am Guide-/Scoutsjoer 2018-2019 ?

Mir si frou op en dynamesche Comité zeréckgräifen ze kennen, dee sech voll asetzt, fir d'branchespezifesch Verbandsaktivitéiten a Formatiounen z'organiséieren. Och ass et eis wichteg, datt d'Ekippe sech am Comité austauschen, fir datt mir als Verband eng gemeinsam Linn hunn, wat d'Ernennungen an d'Erneierung vun den Ernennungen an d'Autorisationen fir In- an Auslandscampen ubelaangt.

E wichtegen Aspekt ass dobäi d'Formatioun, fir dës méi accesibel ze maachen. Esou schaffe mir um Thema Sproochen am Verband, wou den Aspekt Sproochen an der Formatioun och mat drënner fält. No engem Comité Schaffdag zu deem Thema ass et elo un eis, als Verbandscomité eng Charté opzeseten, fir och hei nei Weeér ze goen.

Vereinfacht an direkt Kommunikatiounsweeér sinn d'Basis fir eng sënnvoll Aarbecht an eisen Aen. Sou war dat de Grondgedanken, deen eis dozou bruecht huet, de Kompass fir de Chefdag a Kongress mat engem schréftlechen Deel iwwert den Aktivitéitsrapport z'erweideren, esou datt all Chef sech deen am Virfeld zu Gemitt zéie kann.

Eng nei Zeitung hu mir a Liewe geruff, de „**Be prepared for 2018/2019**“; eng Chefzeitung, déi dir um Chefdag wäert verdeelt kréien, respektiv un de verschiddene Stänn während der Foire kënnt mathuelen. Andeems am Virfeld all méiglech Datumer vun Aktivitéite kommunizéiert ginn, evitéeiere mir vläicht, datt mir eis selwer Konkurrenz maachen an erméglechen esou eise Memberen un enger maximal Zuel vun Eventer deelzehuelen. Loosst iech iwwerraschen.

Den 100aire vun de Lëtzebuerger Guiden a Scoute gëtt 2019 geféiert an et soll ee Fest fir eis Membere

sinn. No 100 Joer stinn iwwert 5000 Memberen den LGS zur Säit an d'Erfollegsstory vum BP senger Iddie ass nach laang net op en Enn hei am Ländchen.

D'Sponsoringkonzept vum Verband, de Rap an seng Konsequenzen, d'Statutenänderung, de Shop, de congé jeunesse, d'Tour Malakoff, Verbandsresolutions, Relioun, asw... si weider Themen, déi eis beschäftegen an un deene weider geschafft gëtt. Schnell an effizient schaffen, awer virun allem och nohalteg, dowéinst ass nach net all Thema sprochräif. An och mir kommen zur Erkenntnis, datt ee Joer schnell ém ass.

D'Zesummenaarbecht mam Verbandsrot, dem Native Village, mat der Asbl, der ONGD an der Fondatioun, souwéi am Kader vum Scouting in Luxembourg (zesumme mat de Frénn vun der FNEL) ware produktiv an hunn eis eng Rei interessant Ablécker geliwwert. Mir hunn eis gesaten Ziler an Ugrëff geholl a mir freeën eis drop, während deenen nächsten 2 Joer mat eisem Comité weider drun ze schaffen.

Last but not least : Merci un all eis Mataarbechter aus der Géisserei, ouni déi villes net méiglech gewiescht wär. Hiren Asaz ass a Wieder net ze faassen.

De Chefdag huet dëst Joer eng bëssen aner Form : Moies ass de Plenum, wéi all Jokers, awer vläit e bëssen anescht an ab 11.30 ass eng Foire mat Stänn vun eisen LGS-Ekippen, awer och vun externen Organisationen an Experten. Während der Foire, déi bis 15.30 Auer dauert, sinn och déi eenzel Branchen- oder Ekippen-Versammlungen. Dës sinn zäitversat, esou datt dir, léif Cheftainen a Cheffen, u méi Versammlunge kënnt deelhueLEN, wann dir dat esou wünscht. Jo, e bëssen anescht, esou wéi den Neijoerschapp, anescht an der Kontinuitéit, fir de Virwëtz z'erwächten, a Loscht drop ze maachen, dohinner ze kommen.

Mir freeën eis drop iech um Kongress an um Chefdag ze begréissen.

#### **Be prepared!**

**Anouk Galassi, Commissaire générale**

**Yves „Ivo“ Marchi, Commissaire général adjoint**



L'année guide/scout 2018-2019 a été intense et riche en émotions. Les derniers camps d'été sont sur le point de toucher à leur fin, et le Congrès, de même que la Journée des Chefs 2018 nous attendent au prochain virage. Le moment est donc venu pour nous de tirer un petit bilan de notre première année en tant que commissaires généraux. Quelles projets avons-nous envisagé d'attaquer? Sur quels thèmes ont porté nos discussions avec notre comité fédéral? Quels conclusions tirer de nos travaux, et que sont, en grandes lignes, les projets pour 2018-2019?

Nous sommes fiers de pouvoir nous appuyer sur un comité fédéral dynamique, qui s'engage pleinement dans l'organisation des activités pour les branches, de même que de la formation des cheftaines et chefs. Il est également important que les équipes puissent s'échanger au sein du comité fédéral, afin d'harmoniser notre position en tant que LGS en ce qui concerne la nomination des chefs, le renouvellement desdites nominations, de même que l'accord ou le refus pour la tenue de camps scouts tant au Luxembourg, qu'à l'étranger.

Un aspect important en sens est la formation, afin de la rendre plus accessible. Ainsi, l'emploi des langues au sein de notre fédération nous tient à cœur, et plus particulièrement l'utilisation des langues lors des sessions de formations de nos cheftaines et chefs. Ceci fût amplement discuté lors d'une journée de travail du comité fédéral. Lors d'une prochaine étape, une charte de bonnes pratiques en la matière sera confectionnée pour nous permettre de parcourir de nouvelles pistes dans ce domaine sensible.

La base pour accomplir un bon travail est, à nos yeux, une communication simple et directe. Ceci fût également le point de départ de notre réflexion qui nous a amenée à compléter la publication „Kompass“ d'une partie reprenant les différents rapports d'activité. De la sorte, les personnes intéressées auront la faculté de s'informer au préalable.

Une nouvelle publication a vu le jour. La „**Be prepared for 2018-2019**“ est une publication pour nos cheftaines et chefs, qui leur sera distribuée lors de la Journée des Chefs, et qu'ils trouveront également sur les divers stands de la foire du jour. En communiquant toutes les dates connues de nos activités dès la rentrée de l'année guide/scout, nous éviterons peut-être à nous concurrencer directement avec nos activités locales et nationales. Nous espérons ainsi donner la possibilité à tous nos membres de pouvoir participer à un maximum d'activités. Voyez par vous-même ce qui se cache sous cette publication.

L'année 2019 sera l'année du 100aire de notre mouvement. Ces festivités devront être l'occasion de mettre nos membres en évidence. Après un siècle, les LGS comptent plus de 5000 membres qui les soutiennent. Le succès de l'idée du fondateur BP est loin d'être épousé, et les plus belles pages de l'histoire des LGS restent à être écrites.

Le concept de sponsorisation de notre fédération, le Rap et ses conséquences, les modifications des statuts, le Shop, le congé jeunesse, la Tour Malakoff, les résolutions fédérales, la religion, etc... sont autant de sujets qui nous occupent, et continueront à nous occuper. Travailler de façon rapide et efficiente, mais surtout obtenir des résultats durables, telle est notre devise. Ceci explique que certains sujets n'ont pas encore pu être portés à bon port. Nous avons dû constater que le temps s'écoule rapidement parfois...

La collaboration tant avec le conseil fédéral, l'équipe du Native Village, l'Asbl, l'ONGD et la Fondation, de même que celle dans le cadre du Scouting in Luxembourg (avec nos amis de la FNEL) était fructueuse, et a permis un échange fructueux entre les acteurs concernés. L'année écoulée nous a permis de d'atteindre un certain nombre d'objectifs que nous nous étions fixés. Nous nous réjouissons de pouvoir continuer lesdits travaux avec notre comité fédéral pour les deux années à venir.

Un grand Merci à tous les collaborateurs de la „Gésse-rei“, sans lesquels beaucoup de choses n'auraient pas pu se réaliser. Leur engagement et leur disponibilité est exemplaire.

La Journée des Chefs se présentera sous une forme un peu différente : la séance plénière aura lieu le matin, comme chaque année, mais peut-être un peu autrement, et à partir de 11.30h, une foire avec des stands mis en place par les équipes fédérales et des experts externes, sera accessible pour nos membres. Pendant la foire, les équipes fédérales feront leurs réunions, en veillant à ce que les horaires soient décalés, et ce afin de vous offrir la possibilité de pouvoir assister à chacune desdites réunions. Une présentation un peu différente, à l'instar du Pot de nouvel an, une différence dans la continuité, pour susciter une saine curiosité auprès de vous tous, qui vous donnera envie d'être présent au rendez-vous.

Nous nous réjouissons de pouvoir vous accueillir lors du Congrès et de la Journée des Chefs.

**Be prepared!**

**Anouk Galassi, Commissaire générale**

**Yves „Ivo“ Marchi, Commissaire général adjoint**





# Kongress Chefdag

## Léif Guiden a Scouten, Léif Cheftainen a Cheffen,

Mir, d'Guiden a Scoute vum Grupp St. Cunibert Réimech, si frou iech dëse September um Kongress a Chefdag begréissen ze dierfen.

### Kongress

Mëttwoch, den 19. September fënnt de Kongress zu Réimech am Centre Culturel Gewännchen (8 Rue des Champs, Remich) statt.

Ab 18:00 Auer bidde mir e flotten After-Work mat Gedréngs a Grill un, éier et um 19:30 Auer mam Kongress lass geet.

### Chefdag

De Chefdag, Sonndeg, den 23. September, wäert och am a ronderëm dem Centre Cultutrel Gewännchen zu Réimech stattfannen.

D'Konzept vum Chefdag changéiert all Joer e bësschen. Esou och dëst Joer! De Plenum ass moies, am Nomëttag ass eng Foire an och verschidde Brancheversammlungen, déi zäitversat stattfannen. Vum Kaffi moies, iwwert d'Mëtteeessen an och bis Owes nom Chefdag wäerte mir fir d'lessen a Gedréngs suergen. Nieft dem Mëtteeessen, bidde mir de ganzen Dag iwwer Guddes vum Grill un.

**Mir freeën eis op lech,  
Mat beschte Guiden a Scoutsgréiss,  
De Grupp St. Cunibert Réimech**



### lessen

Wat gëtt et ze iessen?

Kallefsbrëschtle mat Gratin an Zalot fir 14€ oder Geméis Lasagne fir 12€.

Umelle fir de Kongress & Chefdag kënnt dir iech online iwwer:


[Umeldung Kongress/Chefdag](#)

De Präis ass ze iwwerweise bis de 14. September op de Kont: BIL LU96 0029 0100 0002 3100



Lëtzebuerger Guiden a Scouten  
St. Cunibert Réimech





## Ordre du Jour Kongress 2018 (19.09.2018)


18.00	Aschreiwen, Grill
19.30	Bestëmmen vum Kongresspresident a vun de Stëmmzieler
	Begréissung an Instruktioonen
	Spirituelle Moment
	Rapport d'activité
	Finanzrapport
	Ausbléck 2018/19
	Budget
	Verspriechenstext/ Statuten
	Open Session
	Auszeechnungen, Remercimenten
	Virstellung Comité
	Schluss

## Ordre du Jour Chefdaag 2018 (23.09.2018)

09.00	Aschreiwen an Kaffi
09.30	Plenum
11.30	Foire (bis 16.00)
12.00	lessen
14.00	Foire (bis 16.00)
16.00	Schluss

## Transport

Parkplaze si leider immens begrenzt. Dofir biede mir iech esou vill wéi Méiglech op den öffentlechen Transport zeréck ze gräffen. Fir déi Leit, déi trotzdem mam Auto komme müssen, hu mir e Parking an der Nopeschgemeng, zu Stadtberndemes organiséiert, wou moies, virum Chefdag, an nomëttes, nom Chefdag, Navetté fuere wäerten, fir iech sécher op de Chefdag ze bréngen an och erëm zeréck bei ären Autoen. Déi verschidde Parkméiglechkeete sinn am Plang markéiert.



# Finanzen

## 2017/2018/2019

---


Am Beräich vun de Finanzen hu mir elo vum Joer 2018 un d'Relève iwwerholl vum Corneille "Conny" Schinker, deem mir op déser Plaz nach eng Kéier e grousse Merci wëllen ausdrécken, fir säi laangjäregen Engagement als Finanzkommissär. Mir haten d'Chance d'Finanze vum Verband an engem gudden Zoustand z'iwwerhueulen a wäerten eist Bescht ginn, dat och esou weiderzeféieren.

### Projeten an de Finanzen

Éier mer elo op de Bilan vum Joer 2017 an de neie Budget fir 2019 aginn, wölle mer awer vun der Geleeënheet profitéieren, e puer vun eise Projete kuerz virzestellen, déi mer eis virgeholl hunn ze realiséieren. En éischte Volet ass "Informatiouen".

Eisen neie Site <https://finanzen.lgs.lu> soll op där enger Säit iwwer d'Finanze vum Verband informéieren an op der anerer Säit och eng Hëlfel duerstellen, fir d'Finanzen op lokalem Niveau z'organiséieren. Sief et als Grupp oder als Trupp, och déi Finanze kënnen a sollen uerdentlech geféiert ginn. Dofir stelle mer iech op eisem Site Methoden an Tools vir, déi iech dobäi ännerstëtze sollen, dës Charge esou gutt an effikass wéi méiglech ze realiséieren.

En zweete Volet, deen eis um Häerz läit ass d'Digitalisatioun. Dës ass deelweis schonn ugéstouss ginn, a mir wölle dee Prozess weiderdreien. Et geet hei virun allem drëm, déi bestoend Ofleef esou effikass wéi méiglech ze gestalten an esou vill wéi méiglech vum Pa-beier erofzekommen. Eng éischt Mesure an deem Kontext ass en Online-Formulaire, mat deem zukünfteg d'Rechnungen un de Verband kënnen agereecht ginn.



E g r o u s s e   M e r c i   u n   e i s   S p o n s o r e n





## De Bilan 2017

Wann een d'Zuelen vun 2017 mam Joer virdru vergläicht, fält en-gem wuel direkt op, datt mer am Œmsaz méi wéi eng Millioun Euro méi héich leien. Dëst ass dem GolUrban geschélllegt, vun deem mer d'Resultat vun deenen eenzele Beräicher an enger separater Tabell weisen. Fir all Beräich hu mer hei d'Käschten, d'Recetten, d'Differenz heivunner. No der Clôture bleift hei e Benefice vun 36 747.14 Euro iwwreg. Dovu ginn 9 461.20 vum GolSupport an eise Fong fir Koope-ratiounsprojeten. Vun den 23,897.14 Euro déi dann iwwreg bleiwen, fléisse 50 % an eise Fong fir national Campen an déi aner 50 % si virgesinn als Material-Stockage Fong.

## De Budget 2019

D'Joer 2019 gëtt erëm ee Besonnescht fir d'Lëtzebuerger Guiden a Scouter, well mer 100 Joer LGS feieren. Dofir hu mer zousätzlech zu de normale Posten déi, ofgesi vun e puer Upassungen, net vill chan-géiert hu par Rapport zum leschte Joer, zwee Beräicher an deene mer en Defizit virgesinn. Duerch Aktivitéits-Reserven, Boni aus de leschte Joren a Support vun ausserhalb ass dësen Defizit gedeckt a ka gutt ofgefiedert ginn. Deen éischte Beräich am Budget Général ass de Posten "PR" (Public Relations). Hei si mer vu 15.000 Euro déi normal virgesi wieren op 52.000 Euro eropgaangen. Dës zousätz-lech 37.000 Euro sinn engersäits virgesi fir eng nei visuell Identitéit fir d'LGS z'entwéckelen an anersäits fir PR-Aktiounen am Kader vum Centenaire ze finanzéieren. Am Budget vun de Projeten 2019 gesi mer fir d'100 Joer Feierlechkeete Depensë vun 71.500 Euro vir. Dës solle mat Recettë vun 23.000 Euro duerch de Buchverkaf ofgefiedert ginn. Ênnert dem Stréch gesi mer hei also en Defizit vun 48.500 Euro fir de Centenaire vir.

---

Bilan 2017

GoUrban

Budget



# Bilan-Konten

## COMPTES DE PROFITS ET PERTES

CHARGES	31.12.2017	31.12.2016
<b>● Consommation de marchandises / matières premières (60)</b>	<b>712.398,51</b>	<b>293.005,27</b>
- alimentation, produits hygiène, matériel consommable et durable, carburants, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	26.174,63	34.139,85
▪ Native Village	16.692,32	81.434,99
▪ Camp GoUrban 2017	505.657,21	21.685,89
▪ Projet Coopération Scouts du Niger	3.205,75	0,00
▪ Friddensliicht 2017	4.827,07	11.694,97
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	155.841,53	144.049,57
<b>● Charges externes (61)</b>	<b>823.835,70</b>	<b>372.109,37</b>
- entretien, transport/voyage, locations, marketing, honoraires, frais bancaires, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	<b>61.344,96</b>	<b>62.770,98</b>
▪ Native Village	16.216,91	77.958,91
▪ Camp GoUrban 2017	473.223,27	4.911,98
▪ Projet Coopération Scouts du Niger	3.322,52	0,00
▪ Friddensliicht 2017	6.346,16	6.516,77
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	263.380,38	218.927,23
▪ Roverway 2016	1,50	1.023,50
<b>● Frais de personnel (62)</b>	<b>14.892,90</b>	<b>27.368,44</b>
- salaires, honoraires, ...		
▪ Native Village	14.892,90	20.912,88
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)“	0,00	6.455,56
<b>● Corrections de valeur sur frais d'établissement et immobilisations</b>	<b>17.461,54</b>	<b>13.515,06</b>
<b>corporelles et incorporelles (63)</b>		
- amortissements matériel, véhicules, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	9.439,82	7.133,90
▪ Native Village	6.140,36	5.754,04
▪ Camp GoUrban 2017	1.881,36	627,12
<b>● Charges d'exploitation (64)</b>	<b>166.461,65</b>	<b>129.942,70</b>
- licences informatiques, taxes véhicules, subventions, mise en fonds dédiés, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	2.592,60	3.482,15
▪ Native Village	121,50	15.824,04
▪ Camp GoUrban 2017	68.364,21	-661,99
▪ Projet Coopération Scouts du Niger	25.139,86	33.711,09
▪ Friddensliicht 2017	1.887,91	1.624,87
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	68.355,57	75.736,04
▪ Roverway 2016	0,00	226,50
<b>● Charges exceptionnelles (66)</b>	<b>118.682,11</b>	<b>8.696,10</b>
- soldes caisses, redressements, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	3.041,00	80,00
▪ Native Village	100,00	0,00
▪ Camp GoUrban 2017	102.459,58	0,00
▪ Friddensliicht 2017	0,00	-925,72
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	12.856,53	9.541,82
▪ Roverway 2016	225,00	0,00
<b>● Impôts (68)</b>	<b>0,00</b>	<b>2.100,08</b>
- impôts, taxes importation, ...		
▪ Projets Odyssée 2016 (Commun, Ethiopie, Bosnie, Brésil, Géorgie, Haïti)	0,00	2.100,08
<b>● Profit de l'exercice</b>	<b>21.877,11</b>	<b>29.454,59</b>
<b>TOTAL CHARGES</b>	<b>1.875.609,52</b>	<b>876.191,61</b>





# Bilan-Konten

## COMPTES DE PROFITS ET PERTES

PRODUITS	31.12.2017	31.12.2016
● Montant net du chiffre d'affaires (70)	1.662.770,56	707.443,88
- ventes alimentation / marchandises, contributions, cotisations, collectes, dons, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	95.509,62	107.318,13
▪ Native Village	16.619,30	173.759,86
▪ Camp GoUrban 2017	1.109.879,68	26.563,00
▪ Projet Coopération Scouts du Niger	31.364,24	16.711,09
▪ Friddensliicht 2017	13.061,14	18.910,89
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	396.336,58	362.930,91
▪ Roverway 2016	0,00	1.250,00
● Produits d'exploitation (74)	193.708,77	168.643,49
- subventions, sponsoring, reprises des fonds dédiés, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	26.988,00	29.639,10
▪ Native Village	36.371,67	28.125,00
▪ Camp GoUrban 2017	29.928,26	0,00
▪ Projet Coopération Scouts du Niger	303,89	17.000,00
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	99.890,45	93.879,39
▪ Roverway 2016	226,50	0,00
● Intérêts et autres produits financiers (75)	165,50	104,24
- intérêts sur comptes courants, compte épargne, ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	162,50	104,24
▪ Camp GoUrban 2017	3,00	0,00
● Produits exceptionnels (76)	18.964,69	0,00
- remboursements reçus, notes de crédits, remises/produits exceptionnels ...		
▪ Fédération (Frais généraux, Biber, Wöllef, Avex, CaraPio, RaRo, Formation, GC, IC, PR, Prêts)	11.774,69	0,00
▪ Camp GoUrban 2017	1.810,00	0,00
▪ Projets Odyssées 2016 (Commun, Ethiopie, Bosnie, Brésil, Géorgie, Haïti)	5.380,00	0,00
<b>TOTAL PRODUITS</b>	<b>1.875.609,52</b>	<b>876.191,61</b>





## Resultat Go|Urban 2017

Libellé	Dépenses	Recettes	Résultat
Activité / Recontre	128.624,24	128.624,24	0,00
Assurancen	859,18		-859,18
Branchenquartierën	12.052,81	3.073,00	-8.979,81
Equipe Mobile	7.619,89		-7.619,89
Fix Installatiounen	202.401,11	20.958,22	-181.442,89
Generell Infrastruktur	15.893,73		-15.893,73
Generell Käschten	566,00	175,00	-391,00
Generelle Programm	15.578,91	1.387,24	-14.191,67
Go-Adventure	18.327,05		-18.327,05
Go-Big Events	15.249,13		-15.249,13
Go-Creative	9.629,97		-9.629,97
Go-Creche	412,60		-412,60
Go-Diner	113.660,63	582,06	-113.078,57
Go-Explore	10.956,70	1.325,00	-9.631,70
Go-Hike	8.418,97	75,00	-8.343,97
Go-Market	107.475,68	773,32	-106.702,36
Go-Medical	4.704,83	402,15	-4.302,68
Go-Mind&Spirit	8.160,00	1.130,00	-7.030,00
Go-Nature	13.263,34	231,31	-13.032,03
Go-Open-Day	52.196,49	86.576,08	34.379,59
Go-PR	84.155,75	4.491,66	-79.664,09
Go-Safety	711,63		-711,63
Go-Shop	26.849,09	33.248,46	6.399,37
Go-Social	5.839,07		-5.839,07
Go-Support	62.224,15	65.497,75	3.273,60
Go-Transport	34.852,30	2.916,96	-31.935,34
Go-Wood	16.313,94		-16.313,94
Participatiounen	5.917,00	738.798,50	732.881,50
Manifestatiounen	424,81	260,00	-164,81
Montage	15.578,85		-15.578,85
Preparatioun A Clo- ture	7.961,00	2.068,00	-5.893,00
Revente vum Material	31.404,70	10.155,00	-21.249,70
Sanitär	48.306,82	102,07	-48.204,75
Sekretariat	7.903,12		-7.903,12
Sponsoring		7.500,00	7.500,00
Stapp Bar	39.654,39	74.905,93	35.251,54
Telekommunikatioun	16.066,57	3.773,26	-12.293,31
VIP	2.068,62		-2.068,62
Cloture Vum Exercice	36.747,14		-36.747,14



# Budget

## LGS Budget Général 2019

	Dépenses	Recettes	Résultat
Activités générales	€ 50.000,00	€ 35.000,00	► -€ 15.000,00
Affiliations	€ 7.000,00	€ 68.000,00	► € 61.000,00
Assurances	€ 7.500,00	€ 7.500,00	► € -
Frais de fonctionnement	€ 6.000,00	€ -	► -€ 6.000,00
Gestion de l'équipement technique	€ 13.500,00	€ 2.500,00	► -€ 11.000,00
Sponsoring	€ -	€ 26.500,00	► € 26.500,00
Formations	€ 35.000,00	€ 25.000,00	► -€ 10.000,00
Relations internationales	€ 10.000,00	€ -	► -€ 10.000,00
Relations publiques	€ 52.000,00	€ -	► -€ 52.000,00
Amortissement de l'équipement technique	€ 18.500,00	€ -	► -€ 18.500,00
<b>Sous Totaux</b>	<b>€ 199.500,00</b>	<b>€ 164.500,00</b>	<b>-€ 35.000,00</b>

## LGS Budget Projets 2019

	Dépenses	Recettes	Résultat
Projet Jamboree 2019	€ 600.000,00	€ 600.000,00	€ -
Projet de Coopération Scouts du Niger	€ 18.000,00	€ 18.000,00	€ -
Projet Friddensliicht	€ 13.000,00	€ 13.000,00	€ -
Projet Education Nature Native Village	€ 80.000,00	€ 80.000,00	€ -
Projet Odyssée 2020	€ 25.000,00	€ 25.000,00	€ -
Projet 100 Joer Feier	€ 71.500,00	€ 23.000,00	-€ 48.500,00
<b>Sous Totaux</b>	<b>€ 807.500,00</b>	<b>€ 759.000,00</b>	<b>-€ 48.500,00</b>

## Budget 100 Joer LGS

	Dépenses	Recettes	Résultat
Buch	€ 23.000,00	€ 23.000,00	€ -
Menz	€ 11.000,00	€ -	-€ 11.000,00
Séance académique	€ 15.000,00	€ -	-€ 15.000,00
Comic	€ 7.500,00	€ -	-€ 7.500,00
Regional Aktivitéiten	€ 15.000,00	€ -	-€ 15.000,00
<b>Total</b>	<b>€ 71.500,00</b>	<b>€ 23.000,00</b>	<b>-€ 48.000,00</b>





# Aktivitéitsrapport

## 2017/2018

TEAM &Verbandscomité	Biber-Ekipp	Wöllefchers-Ekipp
Avex-Ekipp	CaraPio-Ekipp	RaRo-Ekipp
GC-Ekipp	Formatiouns-Ekipp	Programm-Ekipp EAS, Native Village
Internat.-Ekipp	Statuten-Ekipp	



E e g r o u s s e   M e r c i u n e i s   S p o n s o r e n



## 1 mol am Mount Comités-Sëtzung

- Villes gouf op d'Lëscht geholl: Shop, Kongress a Chefdag, um RAP an un der Statutenänderung gouf weidergeschafft, Formulären opgesat, eng nei Zeitung a Liewen geruff, préparative fir 100 Joer LGS starte gelooss a viles méi
- 2 Schaffdeeg eemol zum RAP an eemol zum Thema Sproochen am Verband

## Team an de Comité waren énnerwee...

- Wëldowend am Keltenhaus
- Visitë bei den einzelne Branche-Stipen
- LëtzGo Scouting, Entdeck d'Welt vun de Lëtzebuerger Guiden a Scouten, Expo an der Belle Etoile
- Sponsoring mat LaLux, BIL an Sales Lentz iwwerschafft
- Mérite jeunesse
- Neijoerschpatt
- Neijoerschpatt vum Bistum
- Brno - Chief volunteersmeeting
- Thinking Day
- 100 Joer RaRo
- Wöllef- a Biberandacht
- Pow Wow FNEL
- Kandersteg GV
- Journée impact
- Table ronde
- Präsenz op Festivitéiten vu Lokale Gruppen






## Biber-Ekipp

### Stip

Vum 27. bis den 30. Oktober 2017 haten d'Biber zesumme mat de Raro hire STIP zu Monnerech. Um zweete gemeinsame STIP, deen ënnert dem Thema BiRo-Cocktail stoung, haten d'Biber 12 Kandidaten. No engem lëschtege Start, zesumme mat de RaRo, hunn déi verschidde Sessiounen ugefaangen. Ënnert anerem ware Samschdeg déi Duelemer Biber op Besuch, fir déi d'Kandidaten e Geländespill an e Rallye organiséiert haten. Sonndeg war de Methodendag, op deem nach 2 Kandidaten dobäi komm sinn. Schliisslech hu mer de leschten Dag vun eisem STIP ganz der Naturpädagogik gewidmet.





## Biber- a Wöllefchersandacht

Den 5. Mee war eis traditionell Biber- a Wöllefchersandacht an der Stad an der Kathedral. Ronn 100 Biber a Wöllef haten sech mat hire Cheftainen a Cheffen op de Wee an d'Stad gemaach. Virun der Andacht konnten d'Kanner u verschidden Atelieren a Spiller zum Thema „Mam Häerz kucken“ deelhuelen. Dono an der Andacht si mir op dat agaangen, wat d'Kanner an den Atelieren alles erliefht hunn. Zesummen hate mir e flotten Nomëtteg an der Stad.



## BiberMud

Samschdes, de 7. Juli 2018, war déi 2. Editioun vum BiberMud: een Dag bei deem sech alles ém Aktivitéiten an a mat der Natur dréint. Dësen Dag ass eng flott Geleeënheet den Elteren emol ze weisen, wat d'Chef/tainen an d'Biber dat ganzt Joer iwwer maachen. 85 Kanner a 60 Eltere waren dofir téschent 11:00 a 17:00 um Neihaischen ze fannen. 11 flott Aktivitéiten, énnert anerem Brout baken, schnëtzen an am Specksteen schaffen, haten d'Chef/taine fir d'Biber, hir Frénn a Famillje préparéiert. Zesummen hunn si Woll gesammelt fir dem Wikinger een neit Seegel ze strécken. Hien huet sain aalt Seegel am leschte Stuerm verluer. Esou en Dag mécht natierlech och hongereg, dofir nach emol e grousse Merci un d'RaRo-Ekipp déi jideree mat Gegrills, Gedréngs a Kuch versuergt huet.



12 „offiziell“ Ekippen an der Géisserei  
18 Stip- a Stap-Préparationversammlungen  
11 national Aktivitéite-Versammlungen  
a geschätzten 5000 SMSen oder Whatsappmessageen:)

## STIP

um Neihaischen vum 26.-28. Januar 2018 énnert dem Thema LEGO (30 Kandidaten + 2 um Methodendag)



## Biber- a Wöllefchersandacht

an der Kathedral den 5. Mee 2018, ongeféier 100 Biber a Wöllef



E Sproch vum Naturdag, deen e Wöllefche gesot huet:  
„Wa meng Auer waasserdicht ass, ass se dann och bullisdicht?“

## Rally

zu Suessem de 6. Mee, organiséiert vum Suessemmer an dem Belairer Grupp



## Naturdag

rondërem den Neolithikum den 2. Juni , 140 Wöllefcher aus 12 Ruddelen




- Mir hunn d'Joer mat der **Brancheversammlung** um **Chefdag** 2017 zu Dikrech ugefangen.  
An der Brancheversammlung ware ronn 150 Cheffen a Cheftainen. Op verschiedenen Dëscher hu mir énnerschiddlech Themaen vun der Avex-Branche diskutéiert. Eng Paus konnte en mat engem klengen Schokospiss oder engem Avex-Cocktail maachen.
  - Mir hu bei verschidde **Formatione** matgehollef:  
**Tronc commun** 1 + 2 : D'Ekipp war op deenen 2 TC Weekender präsent fir an der Kapell um Neihaischen den Orientatiounsatelier ze leeden.
- Stap 2018:** Mir waren zu 3 vun der Ekipp zu Bilschdref präsent fir bei der Stapformatiou mat unzepaken. Mir hattent 13 zukünfteg Avex-Truppecheffen op der Formatiou zu Bilschdref



## Nuetsrally fir d'Avex

Den 24. Februar 2018 hate mir ee Nuetsrally fir d'Avex-Truppen an der Stad. Et ware ronn 200 Avex an 70 Cheffen dobäi. Bis spéit an d'Nuecht a bei extrem kalen Temperaturen hunn d'Avex op hirem Wee duerch d'Stad Froen beäntwert a Spiller gemaach.





## STIP 2018

12. Bis den 15. Abrëll

Thema war Zirkus.

Mir hu mat eisem neie Konzept vum Stip vill Themen opgeschafft an flott awer ustregend Deeg um Neihaischen verbruecht.

Mir haten 40 Kandidaten an 2 Cheffe fir den Methodendag.



## Absurdcup 2018

Den 2. Juni beim Chalet vun de Beggener Scouten.

Bei guddem Wieder hunn d'Avex op 18 verschiddene Spiller alles ginn, fir ze gewannen. Schlussendlech sinn déi Mierscher Avex op der éischter Plaz gelandt. Déi Centser Avex sinn déi zweet ginn an d'Avex aus dem Réiserbann déi Drëtt. Mir haten 79 Avex an 31 Cheffen.

Nächt Joer ass den Absurdcup zu Réiser.



## Stip / Methodendag ( 27-29.10.2017)


Thema: Wuerzelsich  
Wou : Home Les Loutres zu Miersch  
Wien: 10 Stipisten  
13 Methodisten



## Nuetsfunkraid (13-14.01.2018):

Wou: Home Nic. Rollinger Neihaischen  
Programm: Den Ëmgang mat engem Funk lëieren, agebonnen an engem Nuetsrallye.  
Wien: 46 CaraPio mat hire Cheffen





## JoCaPi (25.03.2018):

Thema: Dark Wonderland  
Wou: Nidderaanwen  
Wien: 235 CaraPio mat Chef aus dem ganze Land  
Fazit: De Gréngewald ass 13 kg Dreck méi propper  
Gewënner: D'Ekip 2 vum Mierscher Grupp



## IronScout (13-15.04.2018):

Wou: Regioun Stauséi  
Wien: 68 CaraPio  
Bilan: 3695 km sinn zesumme getréppelt ginn  
Don: 5070.25 fir d'Associatioun  
“Kanner Wonsch Luxembourg” ass zesummen komm





## RaRo-Ekipp

### Weekend de Lancement


Wou: Neihaischen  
Datum: 21. – 22.10.2017  
Participanten: 48 RaRo  
Résumé: Mir hunn zesumme mat de RaRo d'Scoutsjoer ugefaangen.  
Dëst ass och èmmer eng gudd Geleeënheet fir d'Membren aus de lokale Clanen besser kennenzeléieren.



### Bi'Ro STIP

Wou: Monnerech  
Datum: 27. – 30.10.2017  
Participanten: 14 ugoend Clan-Cheffen  
Résumé: Eng ganz gelungen Zesummenaarbecht mat de Biber geet virun. Vu datt d'Biber an d'RaRo keng grouss STIPen hunn, maache mir se zesummen an hunn e puer ganz flotten Deeg zesumme verbruecht.





## RaRo-Treff

Wou: Jonglënster  
Datum: 13.01.2018  
Participanten: 30 RaRo mat de Clan-Cheffen  
Résumé: Den RaRo-Treff gouf dëst Joer vun de Jonglënster RaRo organiséiert. No engem Nuetsspill gouf den Owend mat Ge-grills an engem Patt gemittlech auskléngé gelooss.



## 100 Joer Rover-Weekend (LGS an FNEL)

Wou: um Fetschenhaff um Cents  
Datum: 04. – 06.05.2018  
Participanten: 23 Jugendlecher  
Résumé: Op désem Weekend hunn déi 2 Scouts-Federationen d'LGS an d'FNEL 100 Joer Rover gefeiert. De Programm vum Weekend war gelongen, déi Jonk waren zefritten. Samsdes waren déi 2 Verbänn mat Ancienen an Invitéen um Fetschenhaff op en Eirewäin invitéiert.





## STAP

Wou: Bilschdref  
Datum: 19. – 26.05.2018  
Participanten: 32 ugoend Cheffen  
Résumé: D'Formatioun vum 2. Zyklus, déi mer zu Bilschdref gehalen haten.



## Senegal

Wou: M'boro, Senegal  
Datum: 08.08. – 23.08.2018  
Participanten: 17 RaRo aus Lëtzebuerg an dem Senegal  
Résumé: Dëse Camp Chantier gëtt ofgehale fir dat 30-jähregt Bestoe vun der ONG ze féieren. Mir ginn zesumme mat der ONG an de SIFOP an hëllef en hinnen d'Lokalitéité rëm a Schoss ze bréngen. Mir erwaarden eng flott Zäit mat de senegalesesche Scouten an op eng flott Zäit am Senegal.



## Hierschtreconter

Wou: Duelem  
Datum: 7.11.2017  
Participanten: 25 Gruppechef/tainen  
Programm: 3 Atelieren: PR am Grupp, Intenet, Memberfichier

## Administrativen Dag

Wou: Géisserei  
Datum: 27.01.2018  
Participanten: 18 Gruppechef/tainen



## Fréijoers-Renconter

Wou: Dikrech  
Datum: 01.06.2018  
Participanten: 25 Gruppechef/tainen  
Programm:



## GC-Formationens-Weekend

Wou: Géisserei  
Datum: 24.-25.032018  
Participanten: 14 Gruppechef/tainen




## Éischten Zyklus

Vum 20. bis den 22. Oktober a vum 10. bis den 12. November 2017 waren déi zwee Weekender vum "Tronc Commun" um Neihaischen. Fir déi meeschten vun 86 Kandidatinnen a Kandidate war dëst déi éischt Formatiounsaktivitéit an hirer neier Carrière als Cheftaine oder Chef. An enger interaktiver Veillée hu si - vum BP selwer - villes iwwert d'Entstoe vum Scoutissem a Guidissem geléiert, awer och - mam RAP - e Bléck an d'Zukunft gewot. Méi theoretesch, awer trotzdem net langweileg, ass et an de Sessioune "Roll vum Chef", "Elterenaarbecht" a "Sécherheet" weider gaang. Samschdes Owes stoung eng spirituell Veillée am Keltenhaus um Programm, ganz am Zeeche vun den LGS hirer neier pluralistescher Ausriichtung. Sonndes war de "Scouttechnikendag", wou d'Kandidate konnten téschent e puer Ateliere wielen.

## Zweeten Zyklus

Um STAP ("STage d'Approfondissement Pédagogique") vum 19. bis de 26. Mee 2018 zu Bilschdref, goufe 40 Kandidatinnen a Kandidaten aus alle Branchen op hir zukünfteg Roll als Branchechef virbereet. Während engem richtege Camp (et gouf an Zelter geschlof, um Feier gekacht an en Hike getréppelt) - zum Thema "Mord u Bord" - sinn a ganz ville Sessioune wichteg Theme behandelt ginn, z.B. d'Leedung vun enger Unitéit an enger Chefekipp, Gruppendynamik a Konfliktpräventioun, d'Branchemethoden, Ravi, Finanzen, Internationales, Naturpädagogik a villes méi. Während engem Planspill, dat sech mëttlerweil wéi e roude Fuedem duerch de ganze STAP zitt, hunn d'Kandidatinnen a Kandidate selwer e Camp vu vir bis hanne geplangt, heiduerch konnte si wäertvoll Iddie sammelen, déi si spéider als responsabel Campchef wäerte kënnen an d'Realitéit émsetzen. Während dem STAP 2018 gouf vill Wäert op d'Liewen dobausse geluecht, deemno waren all d'Sessiounen entweder énner fräiem Himmel oder am Zelt an de Beamer koum eenzeg an alleng owes an der "Spelunk" zum Asaz. Nom STAP geet et fir d'Kandidatinnen a Kandidate mat engem praktesche Stage weider, während deem si vun engem Päfter oder Giedel begleet ginn.





## Formation continue

Den 3. Mäerz 2018 war de "Kanudag" um Neihaischen. Während dobaussen décke Schnéi loung, goufen eng Rëtsch interessant an ofwiesslungsräich Ate-lieren ugebueden, wéi z.B. Reeperbahn, Mr Science Jr, Ëmgang mat schwiere-ge Kanner, asw. D'Cheftainen a Cheffen, déi un dësem Dag Deel geholl hunn, kréien 3 "Paddelen" a kënnen domadder hir Ernennung nees fir dräi Joer er-neiere loessen.

D'Formation continue bei den LGS beschränkt sech awer net op de Kanudag: fir eng Hellewull weider Formatiounsaktivitéiten (ob intern vum Verband, dem SAFAB, externen Organisatiounen oder och direkt an de lokale Gruppen uge-bueden) kruten och am vergaangene Joer nees Cheftainen a Chef Paddele gutt geschriwwen.



## Ernennungen :

Während dem Guiden- a Scoutsjoer 2017-2018 hunn 114 Cheftainen a Chef hir Formatioun ofgeschloss a kruten eng nei Ernennung als Assistent, Bran-chechef oder Gruppechef. 89 Cheftainen a Chef krute während dëser Zäit hir Ernennung fir 1 bis 3 Joer erneiert.

## Gilwell 2018

### Virberedungsrencontre

Den 1. Juli huet de Gilwellstaff sech zu Duelem mat de Kandidate getraff, déi dëst Joer wëllen hir Gilwell-Formatioun ufänken an sech fir de Camp am Schwarzwald ugemellt hunn. De Schwéierpunkt vun dësem Owend louch um Austausch vun den Erwaardungen an den Erklärungen zum Konzept vun der Formatioune.

### Gilwell-Camp

Vum 1. bis den 8. September 2018 hunn 18 Cheftainen a Cheffen um Gilwell-Camp zu Raumünzach am Schwarzwald deelgeholl. Dëst ass deen éischten Deel vun der Woodbadge-Formatioun. De Camp stoung ènnert dem Thema vum Wuesstem. Wat heescht Wuesstem fir e Jugendmouvement ? Wéi soll/kann een wuessen? Wat gëtt Sënn?

Un Hand vun theoreteschem Austausch a prakteschem Erliewen hu mir probéiert Iddien ze entwickelen, wéi de Guidissem an de Scoutissem zu Lëtzebuerg an verschiddenen Domainer ka wuessen.

### Betreien vun de Gilwell-Aarbechten

Den 2. Deel vun der Woodbadge-Formatioun ass d'Verfaassen vun enger schrëftlecher Gilwell-Aarbecht. Iwwert dat ganzt Joer betreien a suivéieren d'Memberen aus dem Staff déi Cheftainen a Cheffen, déi am Gaange sinn un dëser Aarbecht ze schaffen





## Activitéiten 17/18

Als nei zesummegeseten Ekipp hu mer ons emol missen forméieren.

Mir sinn elo zu 6 Memberen.

Den Neijoerschpatt hu mer dunn als eng vun onsen 1. Aktivitéiten e bëssen gepimpt. Nieft dem formellen Deel an der Géisserei hu mir ee relaxen After-Work mat lessen a Gedrénks vu 17 Auer organiséiert. Hei waren iwwer 100 Leit an enger entspannter Ambiance bis an de spéiden Owend derbäi.

Enn Juni hu mer all d'Ekipe vum Verband déi de Programm fir ons Membere gestalten un een Dësch versammelt fir de Programm vum Joer 18/19 ze koordinéieren. Desweideren hu mer ons Missioune fir dat nächst Joer gesat, déi mer elo wëllen ugoen.



## Missioune fir dat nächst Joer

- **Animation**

D'Programm-Ekipp, zesumme mam Team an der Administratioun vum Verband, plangen den Oflaf vum Chefstag.

- **Sozial Aktivitéiten**

D'Programm-Ekipp organiséiert am Laf vum Scoutsjoer e puer Aktivitéite fir d'Chef/tainen. Hei ass d'Zil d'Chef/tainen op eng gemittlech Art zesummenbréngen, wou den Austausch an d'Kenneléieren am Virdergrond stinn.

- **Programm vun den LGS**

D'Programm-Ekipp suergt derfir, datt de Programm vun de Lëtzebuerger Guiden a Scouten an de Branchen a Gruppen émgesat gëtt.

- **Vertrieber am Comité**

D'Programm-Ekipp vertrëtt am Comité all Verbands-Ekippen (ausser d'Branchen an d'Gruppen) dären hir Aktivitéiten de Programm vum Verband formen (EAS, RAP, Native Village, Jota Joti, Carabinieri, ...).

- **Kalender**

D'Programm Ekipp stellt um Enn vum Scoutsjoer e Kalenner fir all d'Programm-Aktivitéiten vum Verband zesummen. An enger gemeinsamer Kalenner-Reunioun gëtt probéiert bei allen Aktivitéiten laanschteneen ze kommen.

## Friddensliicht zu Gréiwemaacher

22. Dezember

79 Participanten aus 7 verschiedene Gruppen



## PS/Formatiounen

20.-21. Januar um Neihaischen, 45 Kandidaten aus alle Branchen

03.-04. Februar zu Klierf, 25 Kandidaten aus alle Branchen

01.-02. Juni ze Ëlwen, 18 Kandidaten aus alle Branchen



## Weekend zu Orval

28.-29. Abrëll

8 Participants



## Sprangprëssessioune

22. Mee

16 Guide/Scouts-Museker

80 Sprénger



## 22.10.2017 Klausurdag zu Kayl

### Preparatioun vum Joresprogramm

Eemol am Joer organiséiert d'Equipe en Klausurdag, wou mir Bilan zéien an dat kommend Joer organiséieren. Een intensiven an aarbechtsräichen Dag, dee vill Versammlunge spuert.



## Pilzseminar um Neihaischen fir Chef/taine

21.10.2017 Neihaischen

Ënnert der Leedung vum Christophe Postler gouf eng Champignons-Wanderung organiséiert, wou eng 20 Chef/taine partizipéiert hunn. Bei déser Formation gounz et ém Bestëmmen an dem Kachen/Schmachen vun eise Bëschchampignon.



## Wëldiessen am Keltenhaus

4.11.2017 Neihaischen

D'Wëldiessen ass schonn en festen Rendez-vous fir vill Leit an hirem Kalenner.  
Eng ronn 150 Gäscht hunn e flotten Owend mat Wëldspezialitéité verbruecht.



## Naturweekend am Keltenhaus

6. – 7. 01.2018 Neihaischen

31 Participantë vun den Ettelbrécker Guiden hunn en abenteuerräichen a flotte Weekend um Neihaischen verbruecht, wou och engéischte Kéier den neie pädagogesche Koffer „Naturkosmetik“ getest gouf.



## Kick Off Bealtaine a St. Patricksfeier am Keltenhaus

17.3.2018 Neihaischen

En Informatiouns-Owend zum Bealtaine-Festival 2018 an traditionell St.Patricksfieier. Eng ronn 80 Leit hu sech informéiert a bis an d'Nuecht gefeiert.



## Working Camp Native Village

5. – 8.4.2018 Neihaischen

De Working Camp an der Ouschtervakanz ass e festen Datum ginn an onsem Joereskalenner. Et ass e wichtegen RDV fir eis, wou mer kleng an gréisser Entretienarbechten am Keltenhaus an um Site maachen. Eng 20 Leit hunn all Dag bei den Aarbechten, wéi Tipien opriichten; nei Naturclôture bauen, Brennholz machen ... gehollef.



## En däiwlesche Weekend an der Teufelsschlucht

21. – 22.04.2018

Eng 44 Wöllefcher an hir Chef/tainen aus den dräi Ruddelen von Dikrich, Wolz a Gréiwemacher hunn e richtege däiwlesche Weekend an der Teufelsschlucht bei Irrel an Däitschland verbruecht

Um Programm stoungen: Atelieren wéi Seefe machen um Feier; mat Specksteen eng Figur schnëtzen; Experimenter maachen, ee Flooss bauen an natierlech och e spannend Nuetsspill.



## Preparatiouns-Camp Bealtaine

11. – 18.05.2018 Neihaischen

Ouni Opriichten a Virbereedung kee Bealtaine-Festival, dat sote sech déi ronn 20 Leit och an hunn während enger Woch déi neideg Preparatiounen mat vill Spass a Freed gemeeschtert.



## 8th Kelten-Festival Bealtaine

19. – 20.05.2018

De Bealtaine-Festival dëst Joer an Zuelen:

- iwwert 6.000 Visiteure während den zwee Deeg
- iwwert 1.000 Kanner, déi un Aktivitéiten deelgeholl hunn
- 4 Fierkel; 2 Schoof; 1 Ochs um Spiess; e per Dausend Grillwirschtercher; Tarteflambéen, Eiseküche fir den Honger vun de Visiteuren
- 130 Keltesch Duersteller, déi eis Alldagsliewen vun de Kelte gewisen hunn.
- Ganz wichteg: iwwert 250 bénévol Mataarbechter während dem Festival. Ouni dës Hëllef géif et kee Festival ginn.

Hinnen alleguer e ganz grousse Merci!



## Formatiounsweekend „Outdoorkichen“

09. – 10.06.2018

Eng 7 Cheffen hunn un enger Formatiou zum Thema „Lagerfeuerküche“ mam Markus Stickling deelgeholl. De Biolog, Naturpädagog an OutdoorKichen-Expert huet während dësem Weekend de Cheffen nei Outdoor-Rezepter an och Materialien, wéi Dutch Oven, Murikaan... virgestallt.



## Schoulklassen, Jugendorganisatiounen

Mat der Hëllef vun eise Studentinnen; eise Freelance Mataarbechter an eise Benevolen hunn dëst Joer eng 750 Kanner am Mount Juni a Juli un émweltpädagogeschen Aktivitéiten am Native Village deelgeholl. Ënnert den Themen wéi „Den Indianer op der Spur“; „Abenteuer Survival“; „Kelten,eis geheimnisvoll Virfahren“ oder „Natur Pur“ hunn si een oder e puer Deeg d'Liewen an a mat der Natur besser kennegeléiert.




## Pädagogesch Koffer fir eis Gruppen

09. – 10.06.2018

2017/2018 hunn eng 21 verschidden LGS Gruppen oder Verbandsequipen vum Service des prêts vu pädagogeschen Kofferan profitéiert. 34 Kofferan goufen am leschten Guiden/ Scoutsjoer ausgeléihnt. Besonnesch „Feiertechniken“; „Holzschnëtzen“; „Mat Naturmaterialie bastelen“; „Zirkus“ an „Teambuildingkofferan“ ware vill gefrot. Lescht Joer gouf och een neie Koffer „Naturkosmetik“ ausgeschafft.




Brout-Koffer




Feier-Koffer



Musek-Koffer




Natur-Erliefnes-Spiller



Insekten-Koffer



Zirkus-Koffer



Naturkosmetik-Koffer



Bëschgeräischer-Koffer



Schnëtzer-Koffer



- **WOSM World Scout Conference**

14-18/08/2017 zu Baku / Aserbaidschan  
Neie WOSM Chair: Craig Turpie (UK)  
Dee jéngste Comité ass gestëmmt



- **WAGGGS World Conference**

18-22/09/2017 zu Delhi / Indien  
Walen waren komplizéiert – 7 Stonne fir 6 Léit ze wielen  
Positiv: 5 vun 6 Leit waren LGS-Favoriten  
Neie WAGGGS Chair: Ana Maria Mideros (Peru)  
LGS gouf ungeholl als WAGGGS ouni de Bureau de Liaison



- **Tronc Commun**

21/10/2017 & 11/11/2017  
Kuerz Virstellung (Video) vun der Ekipp mat wichtegen Informatiounen, ewéi Campen, Zenteren an aneres

- **External Representatives Network Meeting**


7-12/10/2017 zu Malta  
Networking  
Workshops (Public Speaking, External Relations, Advocacy Strategies, EU Structures, SDGs, National Youth Councils, Being visible at a Converence, Building a campaign)  
Kulturell Visiten  
International Evening



- **01-03/12/2017 Spiriteco**

- **FNEL & LGS International Team Meeting**

16/12/2017  
Zesummenarbecht fir den Cub/Scout Net 2018



- **Team Building Weekend**

02-04/02/2018 zu Bréssel / Belge  
Team Building & Reorganisatioun Ekipp  
Visitë vun den WAGGGS & WOSM Büroen



- **DSK – Deutschsprachige Konferenz**

23-25/02/2018 zu Zürich / Schweiz  
Young Delegates Programm virgestallt - groussen  
Interessi bei eis  
Nächst DSK zu Budapest / Ungarn



- **24/02/2018 World Thinking Day**

Zesummenaarbecht mat den däitschsprooche Scouting (Explikatiouns Flyer & Postkaartenaktioun)  
Luxembourg Event : Interessi scho vill um Chefstag gewisen. Ronn 80 Leit waren dunn och präsent.  
E Rallye mat verschiddene Poste vu Biber bis RaRo (All Branche ware vertrueden)  
SDGs – Sustainable Development Goals stoung bei all Aktivitéit am Virdergronn



- **SIL – Scouting in Luxembourg Versammlung**


27/02/2018



- **Groupe de Lisbonne**

03-04/03/2018 zu Lyon / Frankräich  
Sproochen als Thematik (wéi kann ee méi Sproochen an enger NSA émsetzen)  
WAGGGS & WOSM Resolutions (Diskussiounen iwwert déi läscht Konferenzen)  
Study Case (wéi funktionéiert eng Comités-Ver-  
sammlung)





- **BeSCOUT**

21/04/2018 zu Louvain-la-neuve / Belge  
25.000 Scoute vun all Branche repräsentéiert  
Grouss Scoutisme-Feier



- **AGORA**

11-15/04/2018 zu Dublin / Irland  
Tiago Alves (Grupp St. Alphonse) war do  
Artikel am Platte Knuet



- **20/05/2018 STAP**

Kleng Präsentatioun : Ween sinn mir, wat maache  
mir?  
Déroulement mat 3 Poste mat verschiddenen Thémaen (Weltzentren, International Opportunitéiten,  
WOSM/WAGGGS & SIL)



- **EYE – European Youth Event**

01-02/06/2018 zu Strosbuerg / Frankräich  
Michèle Heyder (Grupp Esch Grenz) war do



- **Scouts Comms Forum**

01/06/2018 zu Tallinn / Estland



## Publikatiounen

Um Kongress 2017 hu mer eis Aarbecht virgestallt an och d'Homepage Statute virgestallt. D'Chef/tainen ëm hir Meenung gefrot zu folgenden Themen:

- Soll den Exekutiv-Comité (Verbandscomité) aus 5 Membere bestoe mat den 3 Pilieren esou, wéi uewe beschriwwen?
- Soll de Verbandsrot aus 7 ugemellte Chef bestoen. Dái Chef ginn net méi branchespezifesch gewielt?
- Solle mer ee Walsystem mat Delegiéerten aus all Grupp aféieren?
- Soll de Kongress am Ufank vum Kalenner Joer an de Chefdag am Ufank vum Scoutsjoer sinn?

D'Chef/taine konnten och hir Meenung zu den einzelne Punkten op Plakater schreiwen.

Am Oktober ass d'Auswäertung vun der Œmfro an de Meenungen op der Homepage <https://statuten.lgs.lu/> publizéiert ginn.

An der Verbandszeitung hu mer regelméisseg gesot, wou mer dru si mat der Aarbecht.

## Wou si mer drun, wat hu mer gemeet?

An den 11 Versammlunge vum leschte Scoutsjoer hu mer folgendes gemeet:

- Auswäerten an publizéieren vun der Œmfro.
- Zäitplang fir d'Schreiwen an Verëffentleche vun den Articlele fesgeluecht.
- D'Kapitel "Leedung Verband, Struktur" ass bal färdeg geschriwwen mat folgenden Artikelen:
  - Exekutiv Comité
  - Verbandsrot
  - Verbandskongress
  - Chefdaag
  - De Verbandsgrupp (Exekutiv Comité & Branchenekippen & Spezial-Ekippen)
  - Den Ombudsrot
  - Den Eirerot





## Deng Meenung zielt!

Soll den Fookutiv Committé (Netbandscommitté) aus 5 Membere bestiege aus 3 Playeren esou wel newwe beschiffrowan?	<input type="radio"/>	Fannen och guer jet gutt
Soll den 1. ugegenellte Chef/taime bestoorn del Chef/ mat den 3 Playeren esou jet gresselbeschiffrowan?	<input type="radio"/>	Fannen och net gutt
Worften aus all Grupp attereren?	<input type="radio"/>	Weess net

worften aus all Grupp attereren  
worfot an de Chefstag am

Lëtzebuerger Guiden a Scoul  
- Statutenainnierung -



Lëtzebuerger